

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 4. stav 1. Pravilnika o postupcima u provođenju Programa razvoja male privrede za period od 2021. do 2024. godine („Službene novine Zeničko-dobojskog kantona“, broj: 14/21) i Programa utroška budžetskih sredstava (Subvencije privatnim preduzećima i poduzetnicima), broj: 02-11-5917/23 od 11.04.2023. godine, na prijedlog Ministarstva za privredu, Vlada Zeničko-dobojskog kantona, na 17. sjednici, održanoj dana 20.04.2023. godine, d o n o s i

ZAKLJUČAK

I.

Vlada Zeničko-dobojskog kantona daje saglasnost na Uputstvo za dodjelu sredstava po Javnom pozivu za prikupljanje zahtjeva za prijavu i izbor izlagača (privredna društva i obrtnici) iz područja građevinarstva, metalne i mašinske industrije za učešće na 1. Međunarodnom industrijskom sajmu „SARAJEVO INDUSTRY FAIR - SIF“ u 2023. godini, broj: 04-11-5917-1/23 od 13.04.2023. godine, koji čini sastavni dio ovog zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 20.04.2023. godine
Z e n i c a

DOSTAVLJENO:

1x Ministarstvo za privredu,
1x a/a.



UPUTSTVO
ZA DODJELU SREDSTAVA PO JAVNOM POZIVU ZA
PRIJAVU I IZBOR IZLAGAČA (PRIVREDNA DRUŠTVA I OBRTNICI)
IZ PODRUČJA GRAĐEVINARSTVA, METALNE I MAŠINSKE
INDUSTRIJE ZA UČEŠĆE NA 1. MEĐUNARODNOM
INDUSTRIJSKOM SAJMU „SARAJEVO INDUSTRY FAIR-SIF“

Zenica, april 2023. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Pravilnika o postupcima u provođenju Programa razvoja male privrede za period od 2021. do 2024. Godine („Službene novine Zeničko-dobojskog kantona“, broj: 14/21), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

UPUTSTVO

ZA DODJELU SREDSTAVA PO JAVNOM POZIVU ZA PRIJAVU I IZBOR IZLAGAČA (PRIVREDNA DRUŠTVA I OBRTNICI) IZ PODRUČJA GRAĐEVINARSTVA, METALNE I MAŠINSKE INDUSTRIJE ZA UČEŠĆE NA 1. MEĐUNARODNOM INDUSTRIJSKOM SAJMU „SARAJEVO INDUSTRY FAIR-SIF“

I OSNOV ZA DONOŠENJE UPUTSTVA ZA DODJELU SREDSTAVA PO JAVNOM POZIVU ZA PRIJAVU I IZBOR IZLAGAČA (PRIVREDNA DRUŠTVA I OBRTNICI) IZ PODRUČJA GRAĐEVINARSTVA, METALNE I MAŠINSKE INDUSTRIJE ZA UČEŠĆE NA 1. MEĐUNARODNOM INDUSTRIJSKOM SAJMU „SARAJEVO INDUSTRY FAIR-SIF“

U skladu sa članom 9. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), Vlada Zeničko-dobojskog kantona je Zaključkom, broj: 02-24-8569/21 od 16.06.2021. godine donijela Program razvoja male privrede Zeničko-dobojskog kantona za period 2021.-2024. godina. Programom razvoja male privrede Zeničko-dobojskog kantona su utvrđene: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. Program razvoja male privrede Zeničko-dobojskog kantona je usklađen sa Strategijom razvoja Zeničko-dobojskog kantona 2021.-2027. godina.

Program utroška budžetskih sredstava u 2023. godini–Subvencije privatnim preduzećima i poduzetnicima donešen je u skladu sa članom 28. stav (1) i članom 46. stav (1) Zakona o izvršavanju budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20). Program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

Programom utroška budžetskih sredstava u 2023. godini–Subvencije privatnim preduzećima i poduzetnicima utvrđeni su kriteriji na način da će Ministarstvo za privredu raspisati javni poziv za dodjelu sredstava, u skladu sa Uputstvom za dodjelu sredstava u 2023. godini.

II IZVOR FINANSIRANJA

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), planirana su finansijska sredstva, ekonomski kod 614500–Subvencije privatnim preduzećima i poduzetnicima u iznosu od **2.100.000,00 KM**.

III UPUTSTVO ZA DODJELU SREDSTAVA U 2023. GODINI

U skladu sa Pravilnikom o postupcima u provođenju Programa razvoja male privrede za

period od 2021. do 2024. godine, Ministarstvo za privredu donosi Uputstvo za dodjelu sredstava po Javnom pozivu za prijavu i izbor izlagača (privredna društva i obrtnici) iz područja građevinarstva, metalne i mašinske industrije za učešće na 1. Međunarodnom industrijskom sajmu „SARAJEVO INDUSTRY FAIR-SIF“.

JAVNI POZIV
za prijavu i izbor izlagača (privredna društva i obrtnici)
iz područja građevinarstva, metalne i mašinske industrije za učešće na
1. Međunarodnom industrijskom sajmu "SARAJEVO INDUSTRY FAIR - SIF"

Ciljevi: Subvencioniranje troškova učešća privrednih i drugih subjekata na sajmovima, privrednim susretima i manifestacijama ima za cilj promociju privrednika i privrednih potencijala, tradicionalnih i starih obrtničkih djelatnosti.

Prihvatljivost podnosioca prijave:

Pravo na dodjelu sredstava poticaja za realizaciju projekata imaju subjekti koji su:

- a) Privredna društva (d.o.o. i d.d.) ili fizička lica i obrt;
- b) Imaju sjedište na području ZDK;
- c) Obavljaju djelatnost unutar sektora građevinarstva, metalne i mašinske industrije;
- d) Imaju prepoznatljiv proizvod iz navedenih industrijskih sektora;
- e) Imaju uredno izmirene obaveze po osnovu poreza i doprinosa.

Pravo na prijavu po ovom javnom pozivu nemaju privredni subjekti koji su se do datuma objave javnog poziva već samostalno ili u okviru drugih kolektivnih nastupa prijavili za učešće na Sajmu SIF.

Dodjela finansijskih sredstava:

Vlada Zeničko-dobojskog kantona i Ministarstvo za privredu će Izlagačima finansirati 75% osnovnih troškova izlaganja (sa PDV-om). Preostali dio od 25% cijene osnovnih troškova izlaganja su obaveza izabranih izlagača.

Dio od 25% cijene osnovnih troškova izlaganja podrazumjeva 25% od ukupne cijene za 190 m² zajedničkog štanda sa osnovnim troškovima izlaganja u iznosu od cca 300,00 KM po izlagaču.

Osnovni troškovi izlaganja podrazumijevaju:

- Zakup neuređenog izložbenog prostora (cca 20m² po izlagaču) u zatvorenom (hala Zetra),
- Itison za cijeli izlagački prostor,
- Jedan strujni priključak 220V do 1kW za zajednički štand,
- Zajednički stol i stolice.

Izlagači koji budu izabrani za izlaganje na zajedničkom štandu su obavezni snositi preostali dio od 25% cijene osnovnih troškova izlaganja i izvršiti uplatu od 200,00 KM plus PDV po izlagaču na ime troškova upisnice u katalog i akreditacije.

Izlagači imaju mogućnost dogovora sa organizatorom sajma za narudžbu dodatnog uređenja izložbenog prostora, dodatnih strujnih priključaka, inventara i drugih usluga

prema Prijavnom obrascu Sajma – Prilog II javnog poziva.

Kriteriji za evaluaciju projektnih prijedloga:

Komisija Ministarstva za privredu poštujući hronologiju prijema u protokolu Kantona pregledat će pristigle prijave.

Sve dostavljene prijave će se ocjenjivati u dva koraka, u skladu sa ispod propisanim kriterijama, pri čemu je prvi korak eliminatoran, dok se u drugom koraku ocjenjuje kapacitet izlagača.

Podnesene prijave provjerava i ocjenjuje Komisija, sastavljena od imenovanih predstavnika Ministarstva.

Ispunjenost administrativnih zahtjeva

U sklopu ovog koraka, po prijemu i otvaranju prijave, ocjenjuju se sljedeći elementi:

- da li je prijava stigla u utvrđenom roku. Ukoliko nije, prijava se automatski odbija.
- da li prijava ispunjava sve navedeno u tački 2.1. javnog poziva. Ukoliko ne ispunjava, prijava neće biti dalje razmatrana.

Evaluacija prijava

Evaluaciju prijava koje su prošle prethodnu provjeru će vršiti Komisija. Evaluacija prijava podrazumjeva ocjenu u skladu s kriterijima za ocjenjivanje.

Sve prijave će biti evaluirane na osnovu jedinstvene skale prikazane u nastavku.

Evaluacijski kriteriji su podijeljeni na kategorije gdje se svaka kategorija boduje u rasponu od 1 do 5.

Evaluacijski kriteriji	Maksimalan broj bodova
Privredni subjekt ima 4 i više zaposlenih: 4 – 9 zaposlenih 10 – 30 zaposlenih 31 – 80 zaposlenih 81 – 249 zaposlenih	1 4 5 3
Privredni subjekt je u većinskom vlasništvu osoba mlađih od 35 godina starosti ili u vlasništvu žena	Da – 5 Ne - 0
Ravnomjerniji regionalni razvoj (Stepen razvijenosti JLS) grupa V grupa IV grupa III grupa II grupa I	5 4 3 2 0
Privredni subjekt obavlja pretežnu djelatnost proizvodnje (u sektoru građevinarstva, proizvodnje i obrade metala i mašinska industrija) sa visokim stepenom finalizacije (finalni funkcionalni proizvod) Primarna prerada	0

Proizvodnja polu-proizvoda (elemenata ili dijelova funkcionalnih proizvoda)	3
Proizvodanja funkcionalnih proizvoda	5

Po zaprimljenoj prijavi, Komisija na osnovu kriterija naznačenih u Javnom pozivu vrši ocjenjivanje prijava i sačinjava listu podnosilaca prijava koji nisu uvršteni na listu potencijalnih izlagača sa navođenjem razloga neuvrštanja, koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

U slučaju da više podnosilaca prijave, nakon ocjenjivanja, ostvare isti broj bodova, prednost u odobravanju sredstava imaju prijave koje su ranije hronološki zaprimljene.

Nakon postupanja po svim prigovorima, Ministarstvo utvrđuje prijedlog odluke o izboru izlagača, a odluku na prijedlog Ministarstva donosi Vlada.

Odluka se objavljuje na web stranici Kantona.

Prijava treba da sadrži sljedeće dokumente i priloge:

Naziv i sjedište podnosioca zahtjeva, ime i prezime odgovornog lica, kontakt telefon i mail, mjesto i datum podnošenja zahtjeva, naznaku Javnog poziva za koji se aplicira, podatke o djelatnosti firme, finalnom proizvodu i uslugama (obavezno iz sektora građevinarstva, metalne i mašinske industrije).

- Potpisanu i ovjerenu Izjavu da je uredno izmirio direktne poreze i doprinose (PIO/MIO i zdravstveno osiguranje) – Prilog III javnog poziva;
- Potpisanu i ovjerenu Izjavu o uredno izmirenim obavezama po osnovu PDV-a (ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa) – Prilog IV javnog poziva;
- Obavještenje o razvrstavanju privrednog subjekta prema djelatnosti izdatog od Federalnog zavoda za statistiku;
- Potpisanu i ovjerenu izjavu da se nisu do datuma objave javnog poziva već samostalno ili u okviru drugih kolektivnih nastupa prijavili za učešće na Sajmu SIF – Prilog V javnog poziva;
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba).
- Potpisanu i ovjerenu izjavu da privredni subjekt nije u postupku stečaja i likvidacije.

NAPOMENA: Sve izjave moraju biti ovjerene kod nadležnog organa uprave ili notara.

Važne napomene:

Na osnovu Odluke o izboru izlagača Ministarstvo za privredu sa odabranim izlagačima, zaključuje ugovor o međusobnim pravima i obavezama.

Ministarstvo po osnovu donesene Odluke ima pravo da koristi informacije u vezi sa realizacijom zajedničke izložbe u svrhu promocije Zeničko-dobojskog kantona. Izlagač se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

Prijava koja ne sadrži svu dokumentaciju traženu Javnim pozivom, koja nije pravovremena odbacuje se zbog neispunjavanja formalno-pravnih uslova, bez obaveze daljnjeg razmatranja.

Naknadne izmjene i dopune prijave, dostavljene nakon isteka roka za podnošenje prijave, se neće uzimati u obzir.

U postupku po Javnom pozivu Ministarstvo ne snosi nikakve troškove učesnika Javnog poziva.

Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli u cilju apliciranja za određeni poticaj.

Dostavljena dokumentacija se ne vraća podnosiocu prijave.

Način podnošenja aplikacije:

Prijava iz tačke 2. Javnog poziva sa priložima u zatvorenoj koverti, podnosioci dostavljaju lično na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON
MINISTARSTVO ZA PRIVREDU

Kučukovići br. 2

72 000 Zenica

Sa naznakom:

“Prijava na Javni poziv za Sajam SIF Sarajevo”

“NE OTVARATI”

Na poleđini koverta obavezno navesti:

- naziv subjekta;
- adresu i kontakt telefon;
- ovjeriti pečatom.

Prijave dostavljene drugim putem (npr. putem faksa ili e-mail), neće biti uzete u razmatranje.

U slučaju da se ne prijavi dovoljan broj zainteresovanih izlagača izbor će se

vršiti i Pozivnim putem.

U slučaju eventualnih promjena podnosioci zahtjeva će biti blagovremeno obaviješteni.

IV ROK

Javnim pozivima precizirat će se rok za dostavu dokumentacije odnosno krajnji datum dostave dokumentacije.

V KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava kao i Komisiju za izbor banke. Za svoj rad komisija odgovara ministru Ministarstva za privredu.

Po uredno prispjelom zahtjevu, na osnovu kriterija naznačenih u javnom pozivu, Komisija vrši ocjenjivanje prijave. Komisija sačinjava listu podnosilaca prijave koji nisu uvršteni na listu potencijalnih korisnika iz formalno pravnih razloga (sa navođenjem razloga neuvrštavanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

VI POSTUPAK ODOBRAVANJA

Nakon postupanja po svim prigovorima, Ministarstvo utvrđuje prijedlog odluke o izboru izlagača, a odluku na prijedlog Ministarstva donosi Vlada. Odluka se objavljuje na web stranici Kantona. Vlada Kantona može opozvati donesenu odluku zavisno od dinamike priliva budžetskih sredstava.

VII ISPLATA SREDSTAVA - REALIZACIJA POTICAJA

Na osnovu Odluke o izboru izlagača Ministarstvo za privredu sa odabranim izlagačima, zaključuje ugovor o međusobnim pravima i obavezama.

Broj: _____/23

MINISTAR

Zenica, 13.04.2023. godine

Šibonjić

Samir